



10713

東坡集卷之四十二

貼子詞樂語

春貼子詞 元祐三年

皇帝閣六首

眉山蘇軾東坡氏著

藹藹龍旂色琅琅木鐸音數行寬大詔四海發生心

賜谷賔初日清臺告協風願如風有信長與日俱中

草木漸知春萌芽處處新從今八千歲合抱是靈椿

聖主憂民未解顏天教瑞雪報豐年蒼龍挂閣農祥正一作老穉

相呼看藉田

東坡集卷四十二

貼子詞

一

昨夜東風入律新玉關知有愛降人聖恩與解河湟凍得其中原
草木春

翰林職在明光裏行樂詩成拜舞中不待驚開小桃李始知天子
是天公

太皇太后閣六首

瑤刻春何力欣榮物自知發生雖有象覆載本無私

小殿黃金榜朱簾白玉鈎一聲雙日蹕春色滿皇州

伏下春朝散宮中書漏稀雨廂休侍御應下讀書帷

五日占雲十日風憂勲終歲為三農春來有喜何人見好學神孫

類祖宗

共道十年無臘雪且欣三白歷春田盡驅南畝扶犁手稍發中都
朽貫錢

不獨清心能省事應緣克己自消兵傳聞塞外千君長欲趁新年
賀太平

皇太后閣六首

寶冊瓊瑤重新庭松桂香雪消春未動碧瓦麗朝陽
瑞日明天仗仙雲擁壽山倚欄春晝永金母在人間
朝罷金鋪掩人閒寶瑟塵欲知慈儉德書史樂青春

東坡集卷四三

貼子詞

二

仙家日月本長閒送臘迎春豈亦

偶作

然翠管銀罌傳故事金花

綵勝作新年

彤史年來不絕書三朝德化婦承姑宮中侍女減珠翠雪裏貧民
得袴襦

邊庭無事羽書稀閑遣詞臣進小詩共助至尊歌喜事今年春日
得春衣

皇太妃閣五首

葦桃猶在戶椒栢已稱觴歲美風先應朝回日漸長
甲觀闈千柱飛樓擢九層雪殘烏鵲喜翔舞下觚稜

孝心日奉東朝養，健德應師大練。一作大似風太史新年，瞻瑞氣四星。

明潤紫宮中。

九門掛月未催班，清禁風和玉漏閑。崇慶早朝銀燭下，珮環聲在五雲間。

東風弱柳萬絲垂，一作的皪殘梅尚一枝。重館乍欣蠶浴後，一作禩壇猶記燕來時。

夫人閣四首

綵勝縵新語，酥梨滴小詩。昇平多樂事，應許外庭知。
袖雨曉風柔，春深入御溝。已漂新芍藥，猶帶斷水流。

東坡集卷四十二

貼子詞

三

扶桑初日映簾昇，已覺銅餅暖不冰。七種共挑人日菜，千枝先剪上元燈。

雪消鴛瓦已流澌，風暖犀盤尚鎮帷。縹渺紫簫明月下，壁門桂影夜參差。

端午貼子詞 元祐三年

皇帝閣六首

盛德初融後潛陰未妬時侍臣古易象明雨作重離
採秀擷羣芳爭儲百藥良太醫初薦艾庶草驗蕃昌
微涼生殿閣習習滿皇都試問吾民愠南風爲解無

西檻新來玉宇風侍臣蒼盞得雍容庭槐似識天顏喜舞破清陰
作兩龍

講餘交翟轉回廊始覺深宮夏日長楊子江心空百鍊只將無逸
鑑興亡

東坡集卷四二 貼子詞

四

一扇清風灑回寒應緣飛白在水統坐知四海蒙膏澤沐浴君王
德似蘭

太皇太后閣六首

漸臺通翠浪暑殿轉清風籬捲東朝散金烏未遽中
日永蠶收簇風高麥上場朝來藉田令菰黍獻時芳
舞羽諸羌伏銷兵萬彙蘇只應黃紙詰便是赤靈符

合節陳詩歲歲新從官何以壽吾君願儲醫國三年艾不作沉湘

九辨文

忠臣諒節今千歲孝女孤風滿四方不復巫陽占郢夢空餘仲御

扣河章

長養恩深動植均只憂貪吏尚殘民外廷已拜臬羨賜應助吾君
去不仁

皇太后閣六首

露箴琴書合瑯槃餐餌新深宮猶畏日應念暑耘人

萬壽萸蒲酒千金琥珀盃年年行樂處新月掛池臺

翠筒初窆棟薊黍復纏菰水殿開冰鑑瓊漿凍玉壺

秘殿扶踈夏木深雨餘初有一蟬吟應將龐女乘鸞扇更助南風

長棘心

東坡集卷四十五

貼子詞

五

上林珮木暗池臺蜀產吳包萬里來不獨槃中見盧橘時於櫻裏
得楊梅

閔楚遺風萬古情湘沅舊俗到金明翠輿黃繖何時幸盡鵝飛鳧

盡日橫

皇太妃閣五首

午景簾櫳靜薰風草木酣誰知恭儉德綵縷出親蠶

兩細方梅夏風高已麥秋應憐百花畫綠葉暗紅榴

辟兵已儼靈符小續命仍榮綵縷長不爲祈禳得天助要隨風俗

樂時康

玉盆沉李灑清泉金鴨噓空裊細煙自有梧楸鄣畏日仍欣麥黍
報豐年

良辰樂事古難同繡璽朱絲奉兩宮仁孝自應禳百沴文人桃印
本無功

夫人閤四首

肅肅槐庭午沉沉玉漏稀皇恩樂佳節闈草得珠璣

節物荆吳舊嬉游禁掖閑仙風隨畫筆拜賜落人間

五綵縈筒秫稻香千門結艾髻髯張旋開寶典尋風物要及靈辰
共後禳

東坡集卷四十一

貼子詞

六

欲曉銅鉞下井欄鏗鎗金殿發清寒似聞人世南風熱日上墻東
間幾竿

丙中御侍以下賀冬至詞詔

元祐二年十一月二十日

皇帝

伏以月臨天統首冠於三正氣應黃宮復來於七日君道寔長陽
德光亨恭惟皇帝陛下清明在躬仁孝遍物垂衣南面天何言而
四時成問學西清日將旦而群陰伏番夷奔走年穀順成豈惟四
海之歡心自識三靈之陰贊如川方至受命無疆妾等待罪掖庭
備員婦職共慶一陽之節敢陳萬歲之觴

太皇太后

伏以消長有時候微陽之來復賢愚同慶知君子之冀征德化所

東坡集卷四十一

詞語

七

加神人並應恭惟太皇太后陛下睿明天縱慈儉身先振河嶽以
不傾地無私載順陰陽而自化天且不違成功已陋於漢唐論德
蓋高於任姒大有上吉方獲助於三靈既醉太平當純備於五福
妾等職忝長御心奉慈闈慶陽德之方來願天壽之平格

皇太后

伏以矇眴奏功驗人和於緹室日宮占物效歲美於黃雲慶自宮
庭澤均海宇恭惟皇太后殿下輔佐內治儀刑王家推美國風夙
茂周南之化考祥羲易共成坤厚之功方迎日於三微敢稱觴於
萬壽豈獨宮闈之願實同中外之驩妾等猥以微軀被蒙慈渥訓

獻岡陵之祝庶殫草木之誠

東坡集卷四十一

詞語

八

丙中御侍以下賀年節詞語 元祐二年十一月一日

皇帝

伏以齊七政於璣衡天人並應受三朝之圖籍海宇來同恭惟皇帝陛下至仁無私神武不殺祖述堯帝歷象以授民時儀刑文王正家而齊天下方肇新於歲律宜嚮用於神休妾等幸侍禁巖仰陶化音願上萬年之壽永膺百順之祥

太皇太后

伏以太族旋宮既贊陽而出滯勾芒司歷方布德以緩刑恭惟太皇太后陛下化始六宮風行九有捐財振廩救民溝壑之中求賢番官拔士茹茨之下方履端之資始膺景福於無疆妾等幸侍禁嚴粗供婦職願獻岡陵之壽少輸草木之誠

皇太后

伏以三元資始磔禳以饒餘寒萬寶更新燿烈以興嗣歲恭惟皇太后殿下道光滂德配周南輔導兩朝孝慈格於上下儀形九御恭儉聞於邇遐順履三陽誕膺百祿妾等幸班禁掖久被餘光莫報生成之恩但祝靈長之算

東坡集卷四十一

詞語

九

內中御侍以下賀冬至詞話

元祐三年十一月三十日

皇帝

伏以日合天統時推建子之正律中黃鍾氣驗微陽之應德施自
上惠均於民伏惟皇帝陛下道配皇王化行夷夏觀其來復見乎
天地之心靜以無爲待此陰陽之定雲物告瑞宮聲協和豈惟至
治之祥自得上天之祐一人有慶萬壽無疆妾等蒙被天光叨塵
婦職敢獻如山之祝庶同率土之歡

太皇太后

伏以書奏清臺驗曆家之邃密日移黃道迎化國之舒長寰宇和

東坡集卷四十一

詞語

十

平宮闈歡豫恭惟太皇太后陛下教隆陰禮位正坤儀嗣太任之
徽音道光千古衣明德之大練儉化六宮體柔靜以臨朝配清明
而燭物慶雲可望其占至治之祥彤史何知莫贊無爲之德妾等
猥參女職仰奉慈顏因來復之一陽祝無疆之萬壽

皇太后

伏以候氣葭灰喜律簡之已應課功綵線知宮日之初長品物向
榮掖廷胥悅恭惟皇太后殿下母臨四海婦應東朝求賢審官但
有憂勤之志躬儉節用豈忘澣濯之衣宜福祿之日康樂宮闈之

無事妾等濫塵女職獲奉慈顏願先柏酒以稱觴更指椿年而獻

獻壽

紫宸殿正旦敎坊詞元祐四年

敎坊致語

臣聞行夏之時正莫加於人統採周之舊王方在於鎬京惟吉月之布和休庶工而未作使華遠集隣好交修萃簪笏於九門來車書於萬里將興嗣歲以樂太平恭惟皇帝陛下躬履至仁誕膺眷命法天地四時之運民日用而不知傳祖宗六聖之心我無爲而自化九德成事三年有成始御八音之和以臨元日之會人神相慶夷夏來同臣等忝與賤工得親北觀知輿情之願頌願盛德之難形不度荒蕪敢進口號

口號

東坡集卷四十二

敎坊詞

十一

九霄清蹕一聲雷萬物欣榮意已開曉日自隨天仗出春風不待斗杓同行看萬葉催耕籍共喜椒花映壽杯欲識太平全盛事振振鵲鷺滿雲臺

勾合曲

東風應律南籥在庭餞臘迎春方慶三朝之會登歌下管願聞九奏之和上悅天顏敎坊合曲

勾小兒隊

工師奏技咸踴躍以在庭穉孺聞音亦回翔而赴節方資共樂豈

間微情上奉宸歡教坊小兒入隊

隊名

仙山來絳節雲海戲羣鴻

問小兒隊

六樂充庭九賓在列何彼垂髫之侶欲陳振袂之能必有來誠少
前敷奏

小兒致語

臣聞正月上日萬彙所以更新羣臣嘉賓四方於是觀禮雪方占
於上瑞風已告於先春及此良辰設爲高會恭惟皇帝陛下子來

東坡集卷四十二

教坊詞

十一

九有天覆兆民煥乎其有文章昭然若揭日月安西都護來輸八
國之琛南極老人出效萬年之壽還圭璋於鄰使受圖籍於春朝
擊石攬金奏鈞天之廣樂跳毬舞索戲平樂之都場臣等沐浴太
平詠歌新歲鼓舞咸韶之韻踰揚鳥獸之間未敢自尊伏候進止
勾雜劇

以雅以南旣畢陳於衆技載色載咲期有悅於威顏舞綴暫停優
詞間作金絲徐韻雜劇來歟

放小兒隊

酒闌金殿旣均湛露之恩漏滅銅壺曲盡流風之妙羣形墀前甫

祝整翠袖以言歸再拜天堦相將好去

東坡集卷四十五 教勅詞

七



東坡集卷四十五 教勅詞

集英殿春宴教坊詞

教坊致語 中和化育萬壽排場

臣聞人和則氣和故王道得而四時正今樂猶古樂故民心悅而
八音平幸此聖朝陶然化國飭三農於保介維莫之春與五福於
太平既醉以酒恭惟皇帝陛下乘乾有作出震無私憲童六聖之
典讓斟酌百王之禮樂天方辟於舜孝人已誦於堯言故得彛倫
敘而水土平北流軌道壬人退而蠻夷服西旅在庭稍寬中吳之
憂一均湛露之澤方將麴蘖羣賢而惡旨酒鼓吹六藝而放鄭聲
雖白雪陽春莫致天顏之一笑而獻芹負日各盡野人之寸心臣

東坡集卷四十一 教詞

古

猥以賤工叨塵法部幸獲望雲之喜敢陳擊壤之音不揆蕪才上
進口號

口號

萬人歌舞樂芳辰長養恩深第四春令下風雷常有信時來草木
豈知仁璫璣已正三堦泰玉琯初知九奏純更欲年年同此樂故
應相繼得元臣

勾合曲

太平無象善萬物之得時和氣致祥喜八風之從律大合鈞天之
奏克諧治世之音上奉嚴宸教坊合曲

勾小兒隊

斑白之老既無負戴之憂
齟齬之童亦遂嬉游之樂
行歌道路聯袂闕庭仰奉宸慈
教坊小兒入隊

隊名

初成暮春服來獻太平謠

問小兒隊

聚戲里閭豈識九重之輿成文綴兆忽隨六樂之和宜近彤墀悉陳來意

小兒致語

東坡集卷四十二

教坊詞

十五

臣聞春爲陽中生物各遂其性樂以天下聖人豈私其身故飲食盡忠臣心而遊豫爲諸侯度方遲日之無事矧嗣歲之有年大啟璧門肅陳燕豆恭惟皇帝陛下道隆而德備質文而性仁總攬羣才蓋天受之神策澄清庶政故民獻以寶符顧夏辰樂事之難并宜羣臣嘉賓之益集廣場干步方山立於衆工大樂九成固海函於雜技臣等沐浴膏澤咏歌昇平幸以髡髻之微得參舞羽之末敢干宸聽伏俟俞音

勾雜劇

臚傳已久陛楯將更宜資載築之歡少進羣優之技緩調絲竹雜

劇來歎

放小兒隊

清歌屢奏蓋曲盡於下情妙舞載陳示不遺於小物既畢沛風之和稍同沂水之歸再拜天堦相將好去

勾女童隊

燕私之樂下侍於臣工靡曼之觀聊同於俚俗審音而作振袂稍前上奉宸歡兩軍女童入隊

隊名

瑞日明歌扇仙飈動舞衣

東坡集卷四十二

教坊詞

夫

問女童隊

工師奏技侍衛聳觀顧游女之何方集彤庭而有待欲知來意宜悉敷陳

女童致語

妾聞聖人授民以時王者與衆同樂故倉庚鳴而蠶女出游魚躍而靈沼春葢良辰豈易得哉亦賢者而後樂此伏惟皇帝陛下溫恭允塞緝熙光明學無常師文武識其大者仁能濟衆堯舜其猶病諸齊泰階之六符走重譯之萬里天人並應禮樂將興豈惟塵土之賤微敢度乾坤之廣大萬舞九奏雖未象於成功間歌三終

亦庶幾於頌德欲殫末技少効寸誠

勾雜劇

風斜御柳旣窮綺麗之觀日轉麾槐少進詼優之戲再調絲竹雜
劇來歟

放女童隊

羣袖風回已盡折旋之妙文茵霞卷尚觀顧步之餘再拜天墀相
將好去

東坡集卷四上 教坊詞

七

集英殿秋宴教坊詞

教坊致語

臣聞天無言而四時成聖有作而萬物覩清淨自化雖仰則於帝
心愷悌不回亦悅同於衆樂屬此九秋之候粲然萬寶之成吾王
不游何以勞農而休老君子如喜則必大亨以養賢萃惟皇帝陛
下孝通神明仁及草木行堯禹之大道守成康之小心華夷來同
天地金應以謂福莫大於無事瑞曷加於有年南極呈祥候秋分
而老人見西夷慕義涉流沙而天馬來嘉與臣工肅陳燕俎禮元
侯於三夏諧庶尹於九成宣示御觴聳近臣之榮觀臚傳天語溢
兩廡之歡聲臣等幸觀昌辰叨庠法部採謠言於擊壤助蹠蹠之
陳詩仰奉威顏敢進口號

口號

霜霏碧瓦尚生烟日泛彤庭已集仙
藹藹四門多吉士熙熙萬國
屢豐年高秋爽氣開宮殿元祐和聲入管絃
菊有芳兮蘭有秀從
臣誰和白雲篇

勾合曲

西風入律問歌秋報之詩南籥在廷備舉德音之器絃匏一倡鐘
鼓畢陳上奉宸嚴教坊合曲

勾小兒隊

皇慈下逮罄百執以均歡衆技畢陳示四方之同樂宜進弄髻之
侶來修秉翟之儀上奉威顏教坊小兒入隊

名

登歌依頌磬下管舞成童

問小兒隊

大君有命肆陳管磬之音童子何知入造工師之末欲詳來意宜
悉奏陳

小兒致語

東坡集卷四十一

教坊詞

五

臣聞天行有信正得秋而萬寶成君德無私已將旦而羣陰伏清
風應律廣樂在庭占歲事於金機望天顏之玉粹沐浴膏澤詠歌
升平恭惟皇帝陛下天縱聰明日躋聖知無一物之失所得萬國
之驩心雖擊壤之民固何知於帝力而後天之視亦各抒於下情
臣等幸以齟亂之年得居仁壽之域詠舞雩於沂水久樂聖時唱
銅鞮於漢濱空慙郢一作曲願陳舞綴少奉宸歡未敢自專伏候
進止

勾雜劇

朱絃玉琯屢進清音華翟文竿少停逸綴宜進詠讚之技少資

笑之歡上悅天顏雜劇來馭

放小兒隊

回翔丹陛已陳就日之誠合散廣庭曲盡流風之妙歌鐘告闕羽
籥言旋再拜天階相將好去

勾女童隊

錦薦雲舒來九成之丹鳳霞衣鱗集隱三疊之靈囂上奉宸嚴教
坊女童入隊

隊名

香雲浮繡展花浪舞彤庭

東坡集卷四

教切詞

問女童隊

清禁深嚴方縉紳之雲集仙音擘緩忽管珥之星陳徐步香茵悉
陳來意

女童致語

妾聞鈞天廣樂空傳帝所之游閭闔清風理絕庶人之共夫何仙
聖靡隔塵凡仰瞻八平之威共慶千齡之運恭惟皇帝陛下乾健
而粹離明而文規摹六聖之心人將自化儀刑文母之德天且不
違樂茲大有之年申以宗慈之會虞韶既畢夏籥將興妾等分而
以須審音而俟願俟工歌之間少同率舞之歡未敢自尊伏取

勾雜劇

絃匏迭奏于羽畢陳洽聞舜樂之和稍進齊諧之技金絲徐韻雜
劇束歟

放女童隊

羽觴湛湛方陳旣醉之詩鼙鼓淵淵復奏言歸之曲峩鬢佇立斂
袂却行再拜天階相將好去

東坡集卷四十一

教坊詞

三

興龍節集英殿宴教坊詞

元祐二年

教坊致語

臣聞帝武造周已兆興王之迹日符胙漢實開受命之祥非天私
我有邦惟聖乃作神主仰止誕彌之慶集於建丑之正瑞玉旅庭
爰講比鄰之好虎臣在泮復通西域之琛式燕丕慈與人均福恭
惟皇帝陛下睿思冠古濬哲自天煥乎有文日講六經之訓迷而
不作思齊累聖之仁夷夏宅心神人協德卜年七百万過曆以承
天有臣三千咸一心而戴后彤庭振萬玉座傳觴誦干戈載戢之
詩作君臣相悅之樂斯民何幸白首太平臣猥以微生親逢盛旦
始慶猶蘭之會願賡擊壤之音下採民言上陳口號

東坡集卷四十一

教坊詞

三

口號

凜凜重瞳日月新四方驚喜識天人共知若木初升且且種蟠桃
莫計春請吏黑山歸屬國給扶黃髮拜嚴宸紫皇應在紅雲裏詠
問清都侍從臣

勾合曲

祝堯之壽旣罄於歡譁象舜之功願觀於備樂羽旄在列管磬同
音上奉宸嚴教坊合曲

勾小兒隊

魚龍奏技畢陳詭異之觀齷齪成童各效回旋之妙嘉其尚幼有此衷心仰奉宸慈教坊小兒入隊

隊各

兩階陳羽箭萬國走梯航

聞小兒隊

王師在列各懷自獻之能侷子盈庭必有可觀之技未知來意宜悉奏陳

小兒致語

臣聞生民以來未有祖宗之仁厚上帝所眷錫以聖神之子孫乎

東坡集卷四十一

教坊詞

三

佑下民篤生我后瞻舜瞳之日月望堯額之山河若帝之初達四聰於無外如川方至傾萬宇以來同恭惟皇帝陛下齊聖廣淵剛健篤實識文武之大者體仁孝於自然歌詩思齊見文王之所以聖誦書無逸法中宗之不敢承誕日載臨輿情共祈神筴授萬年之筭洛書開五福之祥臣等嬉遊天街沐浴皇化欲陳舞蹈之意不知手足之隨未敢自專伏取進止

勾雜劇

金奏鏗純既度九韶之曲霓衣合散又陳八佾之儀舞纒暨停伶

優閒作再調絲竹雜劇來歇

放小兒隊

遊童率舞逐物性之熙怡小技畢陳識天慈之廣大清歌既闋疊
鼓屢催再拜天堦相將好去

勾女童隊

垂鬟在列歛袂稍前豈知北里之誠敢獻南山之壽霓旌全集金
奏方諧上奉威顏兩軍女童入隊

隊名

君臣千載遇歌舞八方同

問女童隊

東坡集卷四十二 效坊詞

言

參攪屢作旌旒前臨顧游女之何能造彤庭而獻技欲知來意宜
悉奏

女童致語

妾聞瑞乙來翔共紀生商之兆羣龍下集適同浴佛之辰佳氣不
庭和聲載路輦出房而雷動扇交翟以雲開喜動人天春還草木
恭惟皇帝陛下凝神昭曠受命穆清三后在天宜興王之世有四
人迪吾知享國之無窮乃眷良辰欲均景福庭設九賓之禮樂歌
四比之童妾等幸觀昌期獲瞻文陛雖之流風之妙願輸率舞之

誠未敢自重伏候進止

勾雜劇

清淨白化雖莫測於宸心
誠笑維陳示俛同於眾樂
金絲再舉雜劇來歎

放女童隊

分庭久立漸移愛日之陰
振袂再成曲盡回風之態
龍樓却整羅鼓屢催再拜
天階相將好去

東坡集卷四十七

效巧詞

五

興龍節集英殿宴教坊詞

教坊致語

臣聞天所眷命生而神靈惟三代受命之符萃於茲日實萬世無疆之福延及我民侯南極之祥輝交北鄰之瑞節同趨鎬燕爭頌堯封恭惟皇帝陛下稽古溫文乘乾剛粹體生知而猶學藏妙用於何言故得六聖承休三靈眷佑德隆星晷齊六符而泰階平河行地中錫九疇而葵倫正屬訐彌之令旦履長發之嘉祥夙設九賓於廷遍舞六代之樂日無私於臨照葵藿自傾天有信於發生勾萌必達臣等濫塵法部獲造彤墀下採民言得三萬里之謠誦

東坡集卷四十一 教坊詞

三

登歌壽筭以八千歲爲春秋不度燕音敢進口號

口號

風卷雲舒合兩班
瞳瞳瑞日映天顏
觀書已獲千秋鏡
積德長爲萬歲山
臘雪未消三務起
壬人不用五兵閑
相逢父老爭相賀
却笑華胥是夢間

勾合曲

笙磬同音考中聲於神鼓
鳥獸率舞浹和氣於敷天
上奉宸歡教

坊合曲

勾小兒隊

衆技旅庭振歡聲於無外游童頌聖陶至化於自然上奉皇威教坊小兒入隊

隊名

壤歌皆白髮象舞及青衿

問小兒隊

跳跟廣陌初疑竹馬之遊合散形墀忽變驚鴻之狀欲知來意宜

悉敷陳

小兒致語

臣聞流虹啟聖非人力所致之符湛露均恩與天下共享其樂旁

東坡集卷四三 教坊詞

三七

行海宇外薄戎夷咸欣載夙之辰共獻無疆之祝恭惟皇帝陛下神武不殺將聖多能天生德於予既稟剡齊之質人樂告以善輔成經緯之文法慈儉於東朝綉詩書於西學載臨誕日俛荅輿情非為靡曼之觀庶備太平之福臣等微生齟齬學樂父師就列紛紜雖無殊於鳥獸赴音俛仰亦少效於涓塵未敢自專伏候進止

勾雜劇

樂且有儀方君臣之相悅張而不弛豈文武之常行欲佐歡聲宜

陳善謔金絲徐韻雜劇來歇

放小兒隊

禾拔畢陳下情無壅旣成文於綴兆猶歛袂以回翔再拜天堦相
將好去

勾女童隊

飛步壽山起香塵於羅襪散花御路泛回雪於錦茵上奉宸顏兩

軍女童入隊

隊名

生商來瑞胤浴佛降羣龍

問女童隊

玉座天臨雖仙凡之有隔翠鬢雲合豈草木之無知密邇天堦悉

東坡集卷四十一

教坊詞

三

陳來意

女童致語

妾聞千里一曲夔澄瀾於濁河萬歲三稱隱歡聲於靈岳天人並
應夷夏來同雖云北里之微敢獻華封之祝恭惟皇帝陛下睿文
冠古神智無方同堯舜之性仁而能濟衆陋成康之刑措猶待積
年共欣建丑之正再覩興龍之會桑田東海傾壽筭而未乾汗竹
南山書頌聲而無極妾等幸緣賤藝獲望威顏振萬於庭欲赴千
旄之節間歌以雅庶諧笙磬之音未敢自專伏候進止

舞纒蹙停歌鐘少闕必有應諧之妙以資載笑之歡上悅天顏雜
劇來歟

放女童隊

振袂再成曲盡回風之妙分庭久立漸移愛日之陰再拜天堦相
將好去

東坡集卷四十一

教坊詞

五

坤成節集英殿宴教坊詞 元祐二年七月十五日

教坊致語

臣聞視履考祥既古懷月之夢對時育物必有繼天之功方大火之西流屬陰靈之既望帝於是日誕降仁人意使斯民咸歸壽域共慶千年之遇得生二聖之朝式宴示慈與民同樂恭惟皇帝陛下文思天縱睿哲生知力行禹湯之仁常恐一夫之不獲躬蹈曾閔之孝故得萬國之歡心恭惟太皇太后陛下道契天人德超載籍知人則哲蓋帝堯之所難修已安民雖虞舜其猶病風雲從而萬物觀日月照而四時行自然動植之咸安莫知天地之何力三宮交慶群后駿奔寶隣通四牡之歡航海致重譯之賻洞庭九奏始識咸池之音靈嶽三呼共獻後天之祝臣等叨居法部輒採民言上瀆宸聰敢陳口號

東坡集卷四十二

教坊詞

三

口號

三朝遺老九門前又見承平大有年
文母憂勤初化俗曾孫仁孝已通天
史書元祐三千牘樂奏坤成第一篇
欲採蟠桃歸獻壽蓬萊清淺半桑田

勾合曲

秋風協應生殿閣之微涼
廣樂具陳韻金絲而間作欲觀鳥獸之

率舞願聞笙磬之同音上奉辰顏教坊合曲

勾小兒隊

朱干玉戚本以象功白叟黃童皆知頌聖盍命髻髦之侶來陳舞
勺之儀上侑皇歡教坊小兒入隊

隊名

願同千歲樂長奏太平謠

問小兒隊

錦京廣燕方雲集於縉紳沂水游童忽鳧趨於庭廡雖云小技必
有可觀咫尺天顏悉言汝志

東坡集卷四

教坊詞

三

小兒致語

臣聞功存社稷慶鍾高密之門澤及本枝天作太任之德候西風
之入律藹瑞氣之盈庭嘉與四方同稱萬壽恭惟皇帝陛下文思
稽古濬哲在躬日奉東朝之歡率用家人之禮以謂慈儉之化無
德而能名保佑之功如天之難報惟流傳於歌舞庶髻髦其儀刑
臣等雖在弱齡久陶孝治敢率垂髻之侶共陳振萬之儀未敢自
專伏取進止

勾雜劇

鸞旗日轉雉扇雲開覽回經兆之文少進俳諧之技來陳善戲以

佐歡聲上樂天顏雜劇來歇

放小兒隊

青衿旅進雖末技而畢陳黃屋天臨知下情之無壅既成文於綴
兆爰整袂以徘徊再拜天階相將好去

勾女童隊

彤壺漏箭隨鷄唱以漸移絳節綵髦聞鳳簫而自舉宜召散花之
侶來陳回雪之姿上奉宸歡兩軍女童入隊

隊名

金風回翠袖玉琯倚清歌

東坡集卷四十一

教坊詞

三

間女童隊

鳳歌諧律方資燕俎之歡鷺分庭忽集壽山之下低鬟有符振
袂欲前密邇天階悉陳來意

女童致語

妾聞塗山啓夏來玉帛於萬邦摯仲興周胙本枝於百世嘉晨共
樂壯觀一新恭惟皇帝陛下睿孝自天堯仁浹物膺昊穹之成命
席累聖之詒謀惟地勢坤永載無疆之德以天下養窮持耜樂之
鴈六樂在庭百工奏技妾等親逢盛旦獲望嚴宸藝雖愧於鸞鶴
心已先於儀鳳願陳舞綴上奉天顏未敢自專伏取進止

勾雜劇

風清羽蓋日轉槐庭欲資載笑之歡少有應諧之妙暫回舞綴少
進詠箭上悅天顏雜劇來歎

放女童隊

八音間作旣成激繹之文萬舞畢陳曲盡回翔之態望形闢而却
立歛翠袂以言歸再拜天墀相將好去

東坡集卷四

教坊詞

三

齋日致語口號

旋復陰陽配五支於六幹誕彌歲月與元日爲三申神后降慶於當年曾孫効誠於茲且不煩巧歷自契真將道俗謹誼天人協應太皇太后陛下功高任姒德配唐虞上推顧託之心下布仰成之政寶慈與儉蹈光憲之成規却狄安邦襲烈武之餘慶三朝順展萬壽維新雖絳縣之老人難窮甲子如楚南之靈木莫計春秋岳賤等草茅心傾葵藿採民謳於擊壤効樂語之陳詩

媧皇得道自神仙金母長生不記年甲子會逢三朔旦歲星行看百周天消兵漸覺腰無犢種德方知福有田彤管何人書後會椒

東坡集卷四三 口號

三

花椿頌二時編

黃樓致語口號

百川返壑五稼登場初成百尺之樓適及重陽之會高高下下旣休畚鍤之勞歲歲年年共觀葉莢之美恭惟知府學士民人所恃憂樂以時度餘力而取羨材因備灾而成勝事起東郊之壯觀破西楚之淫名賓客如雲來四方之豪傑鼓鐘隱地球萬目之觀瞻實與徐民長爲佳話

一新柱石壯嚴闈更值凶風落帽辰不用游從誇燕子直將氣焰壓波神山川尚遠當時國城郭猶飄廣陌塵誰凭欄干賞風月使

君晉意在斯民

趙倅成伯母生日致語口號

昔年占夢適當重九之佳辰今日獻香願祝大千之遐算慶婦姑
之同日雜茱菊以稱觴殺雞已效於龐公剪髮敢資於陶母但其
叨居樂部忝預年家不度蕪材上塵口號

今朝壽酒泛黃花鬱鬱葱葱氣滿家願得唐兒舞一曲莫嫌國小
向長沙

王氏生子致語口號

人中五日知織女之暫來海上三年喜花枝之未老事協紫銜之

東坡集卷四三 口號

五

夢歡傾白髮之兒好人相逢一杯徑醉伏以某人女郎蒼梧仙鶴
南海貢餘憐謝端之早孤潛炊相助嘆張鎬之沒興遇酒輒歡采
楊梅而朝飛擘青蓮而暮逐長新玉女之年貌未厭金膏之掃除
萬里乘桴已慕仲尼而航海五絲繡鳳將從老子以俱仙東坡居
士尊俎千峯笙簧萬籟聊設三山之湯餅共傾九醞之仙醪尋香
而來苒天風之引步此興不淺爛江月之升樓

羅浮山下已三春松筠穿堦晝掩門太白猶逃水仙洞紫簫來問
玉華君天容水色聊同在髮澤膚光自鑑人萬戶春風爲子壽坐

看滄海起揚塵

寒食宴提刑致語口號

良辰易失四者難并故人相逢五斗徑醉况中年離合之感正寒
食清明之間時乎不可再來賢者而後樂此恭惟提刑學士才本
天授學爲人師事業存乎斯民文章蓋其餘事望之已試於馮翊
翁乎暫還於會稽知府學士接好隣邦締交冊府莫逆之契義等
於天倫不腆之辭意勤於地主力講兩締之好可無七子之詩欲
使異時爭傳盛事

雲間畫鼓疊春雷千騎尋芳戲馬臺平道已逢山間醉萬人爭看
謫仙來淮西按部威尤凜歷下懷仁首重回還把去年留客意折

東坡集卷四十一

口號

三

花臨水更徘徊

東坡集卷之四十三

啟

眉山蘇軾東坡氏著

謝制科啟二首 嘉祐六年

右軾啟今月某日蒙恩授前件官者竊軻策士方搜絕異之材隨問獻言諛占久虛之等忽從佐縣擢與評刑內自顧於無堪凜不知其所措恭惟制治之要惟有取人之難用法者畏有司之不公故舍其平生而論其一日通變者恐人才之未盡故詳於採聽而畧於臨時茲二者之相形顧兩全而未有一之於考試而掩之於倉卒所以爲無私也然而才行之迹無由而深知委之於察舉而要之於久長所以爲無失也然而請屬之風或因而滋長此隋唐進士之所以爲有弊魏晉中正之所以爲多姦惟是賢良茂異之科兼用考試察舉之法每中年輒下明詔使兩制各舉所聞在家者能孝而恭在官者能廉而慎臨之以患難而能不變邀之以寵利而能不回既已得其行己之大方然後責其當世之要用學博者又須守約而後取文麗者或以用寡而見尤特於萬人之中求其百全之美凡與中書之召命已爲天下之選人而又有不可測知之論以觀其默識之能無所不問之策以效其博通之實至於此而不丟則其人之可知然猶使御史得以求其疵諫官得以考

其素一階清議輒爲廢人是始由察舉而無請謁公行之私終
用考試而無倉卒不審之患蓋其取人也如此之密則夫不肖者
安得而容軾才不迫人少而自信治經獨傳於家學爲文不願於
世知特以饑寒之憂出求斗升之祿不謂諸公之過聽使與羣豪
而並遊始不自量欲行其志遂竊俊良之舉不知才力之微論事
迂濶而不能動人讀書疎畧而無以應敵取之甚愧得而益慙此
蓋伏遇某官德爲世之望人位爲時之顯處聲稱所被四方莫不
奔趨議論一加多士以爲進退致茲庸末亦與甄收然而志卑處
高德薄寵厚歷觀前輩由此爲致君之資敢以微軀自今爲許國

東坡集卷四

啟

二

之始過此以往未知所裁目德爲至甄收一闕本作以堯舜之道
致吾君以伊周之業爲已任恐一夫不
獲自盡亦爲廟堂之憂思天下所以太
平必用芻蕘之說亟收末學以輔大猷

軾以薄材親承大問論議羣起予奪相乘不意聖恩之曲加猶獲
從吏之殊寵伏讀告命重積震惶嘉其愛君之心期以克終之譽
辭不獲命媿無以堪某生於遠方性有愚直幼承父兄之餘訓教
以修己而治人雖爲朝廷之直臣常欲挺身而許國位卑力薄自
許過深言發謹生事勢宜爾追尋策問之微意實皆安危之大端
自謂不及則曰志勤道遠開其不諱則曰無悼後害竊以制策之
及此又念科目之謂何罄其平時之所懷猶懼不足以及對言多

豈容誅伏以國家取人之科惟是剛柔適中之士太剛則
惡其猖狂不審太柔則畏其選懦不勝將曰二者之中屬之以事
固非一介之賤所或能當某之不才過乃由此然而許切憤悱爲
知士之所不許因循鹵莽又有國之所樂聞使舉世將以從容而
自居則天下誰當以奮發而爲意此蓋某官羽翼盛時冠冕多士
思盡薦蕘之議以明寬厚之風羈危之所恃以爲無憂紛紛之所
恃以爲定論顧惟無似尙辱甄收感恩至深求報無所昔者西漢
之盛莫如文景孝武之賢制策所興世稱晁董公孫之對然而數
子者頌詠德美而不及其譏刺故三帝者好愛文字而無聞於寬
容豈其時君不可爲之深言抑其羣臣亦將有所不悅某才雖不
逮時或見容非懷管祿之榮竊喜幸會之至

鳳翔到任謝執政啟

嘉祐六年

東坡集卷四十三 啟

三

右軾啟違去軒屏忽已改歲向風瞻戀何翅饑渴前月十四日到
任翌日尋已交割訖軾大凡材繆承選取忽從州縣便與賔佐捫
躬自省豈不媿幸伏自到任已來日夜厲精雖無過人庶幾寡過
伏惟昭文相公素所獎庇曲加搜揚旣蒙最深之知遂有自重之
意所任僉署一局兼堂五曹文書內有衙司最爲要事編木棧竹
東下河渭飛芻輓粟西起邊陲大河有每歲之防賦務有不蠲之

謀破萬民業忽如春冰于今雖有優輕酬獎之名其實不及所費
百分之一救之無術坐以自慙惟有署置之必均姑使服勞而無
怨過此以往未知所裁

密州到任謝執政啟

蒙恩授前件差遣已於今月三日赴任訖帶山負海號爲持節之
邦多病無功人在散材之日授非所稱愧靡自任矧茲願治之辰
方以求賢爲急宜得敏銳兼人之器以副厲精更化之懷如軾者
天與愚忠家傳朴學議論止於污俗交遊謂之陳人出佐郡條荐
更歲籥雖僅脫網羅之患然卒無毫髮之稱豈伊寵榮偶及哀鈍
此蓋伏遇某官股肱元聖師表萬邦欲隆太平極治之風故開兼
收並採之路重使一夫之不獲特指支郡以見收荷恩至深論報
何所當鐫磨朽鈍筆策疲驚雖無望於功名庶少逃於罪戾過
此以往未知所裁

徐州謝隣郡陳彥升啟

受代膠西甫違仁庇分符泗上復託恩私祇見吏民布宣條教郡
有溪山之樂庭無爭訟之煩曾何妄庸獲此僥倖此蓋某官紀綱
千里儀表一方謬論信於中朝予奪公於多士衰罷無術既常補

於兼容勉厲自將或無忝於知遇感懼之素敷染難宣

徐州謝執政獎諭啟

事有服勤此實守臣之職功無可錄遽膺褒詔之榮聞命惟驚
身自愧伏自河失故道遺患及於東方徐居下流受害甲於他郡
比緣衆力獲保孤城灑沈澹災無補洪源之塞增痺培薄僅循下
策之施放圖天聽之卑乃辱璽書之賜茲蓋伏遇某官左右元聖
師保萬民方以一夫不獲爲已羞故衆人皆樂以善告遂緣過聽
致此曲恩某敢不祇服訓詞益脩吏職深自策其駑鈍庶有補於
涓埃過此以還罔知所措

罷登州謝杜宿州啟

東坡集卷四十三 啟

五

桑榆晚景忽蒙收錄之恩山海名邦得竊須臾之樂自非明哲少
借餘光內自顧其空疎必難逃於曠敗某官高風肅物雅望應時
旣愷悌以宜民亦儒雅而飾吏每假齒牙之論曲成羽翼之私感
佩良深敷述奚旣

除起居舍人謝啟

比者誤被聖恩軫及棄物起於貶所付以名藩牧養疲民會未施
於薄效躋攀近侍已再被於寵光祿旣多則功不可徵職旣崇而
責猶當重顧懇辭之莫獲念圖報之未能方以爲憂致辱見慶此
益其官德惟樂善志務達人重嫁姻好之私責以文詞之美捧讀

數回退增愧慙屬春候之向和宜福祿之益固未遂披奉但切傾
懷

除翰林學士謝啟

元祐元年

叨奉寵恩擢居禁近任逾器表憂與愧并內自顧於衰遲宜退安
於冗散豈期晚節復與英遊此蓋伏遇某官德配先民望隆多士
至誠樂與其推人物之評雅量兼容曲借齒牙之末致茲朽鈍亦
踐高華方脩問之未皇遽祿書之見及其爲感佩難盡敷陳

楊州到任謝執政啟

元祐七年

擇地而安本非臣子之達節有求必獲足見廟堂之兼容釋汝頰
之清閒當江淮之衝要舊游所樂習俗相諳已見吏民具述朝廷
之意不爲條教自然獄市之清此蓋伏遇某官師保斯民菁蘊當
代折衝禦侮已獲萬人之英博與兼容更收一木之用軾敢不益
求民瘼勉盡鄙才但未歸田之須臾猶思報國之萬一

定州到任謝執政啟

元祐八年

燕南趙北昔稱謀帥之難尺短寸長今以乏人而授幸此四夷之
守忘其一障之乘坐食何功捫心知愧伏念軾愚忠自信科學無
華孔融意廣才疎訖無成効嵇康性褊傷物類致恚憎叨逢聖世
之休明未分昔人之憂患故求散地以養衰年終成命之莫回悼

此心之未亮伏惟某官躬行周孔方致唐虞燮和天人方遂萬物之性虛受海宇固容一介之微眷此餘生實無他望老如安國既倦北平之遷蹇比方同終有會稽之請歸依之至筆舌奚周

謝秋賦試官啟

伏以聖人設文章之教本以御民君子在田野之間亦學爲政故知禮樂者可與言化通春秋者長於治人蓋三代之所常行於六經可以備見事爲之制曲爲之防使學者皆能明其心則天下可以運諸掌降及近世析爲三塗凡于政皆出於刑書故儒術不通於吏事惟其所以治民者固不本於學而其所以爲學者亦無施

東坡集卷四十三 啟

七

於民遊庠校者忘朝廷讀法律者捐詩賦塲屋後進挾聲技以相夸王公大人顧雕蟲而自笑舊學無用古風遂忘終始之意曾不相訟貴賤之間亦因遂澗下之士有學古之意而無學古之功上之人有用儒之名而無用儒之實顧茲媮弊常竊憫嗟苟非當世之大賢孰拯先王之隆典伏惟某官才出間世志存生民曩在布衣能通天下之務旋居要職又爲儒者之宗明習政事而皆有本原守持經術而不爲迂濶世之系望上所深知輟自朝聯付之文柄命題甚勿而不肖者無所兼容用法至寬而犯令者未嘗苟免觀其餘閒於策足以盡人之材講求先聖之心考其詩義深悲古

學之廢訊以歷書條任子之便宜訪成均之故事不泥於古不準於今非有苛碎難知之文將觀磊落不羈之士使天下知文重誠可以治知聲律不足以入官失之者固因而自新得之者不至於捐舊疇昔所欲於今遂忘軼才無他長學以自守爲文病拙不能當世俗之心奏籍有各大懼辱賢材之舉翻然如畀之羽翼追逸翮以並遊沛然如假之舟航臨長川而獲濟偶緣大庇粗遂一名方將區區於簿書米鹽之間碌碌於塵埃筆楚之地雖識恩之所自願力報之末由感懼之懷不知所措

謝監司薦舉啟

東坡集卷四十三 啟

猥以庸虛過蒙知遇既免尤譴復加薦論自省孤危加之衰病生而賦朴野之性愚不識禍福之機但知任己以直前不復周防而慮後動觸時忌言爲身夾擠而去之則爲有功引而進之亦或招悔自非不以利祿爲意而以仁厚爲心願茲鈍頑誰肯收錄伏惟某官時望至重主知已深方將長育於羣材專務掩覆於小過憐其謀身之甚拙進絕望而退無歸知其爲政之雖迂歲有餘而日不足特矯世俗借之齒牙軼敢不祇畏簡書益自修飭豈云報德苟不辱知過此以還未知所措

謝監司啟二首

近審下車輒嘗進記徒欲聞名於將命未皇盡意以占詞不圖謙
光遠錫褒寵感銘旣切愧悵并深恭惟某官以舊德之賢當聖朝
之選恩足以濟法義足以理財先戶所臨公議同慶凡繫屬部實
有賴於庇庥惟是孤蹤更曲蒙於優借此爲過幸豈復勝言

二

伏念傾蓋若故雖自慰於宿心盡言非書故未幾於誠意親膺寵
復實佩諫光退屬紛縈遂疎上詔遽叨榮問徒益厚顏恭惟某官
造道惟深養氣以直理財不愆於義行法不失其恩竊聆下風倍
仰厚德不圖幸會遽隸屬封吏畏民懷旣仰安於明哲心勞政拙

東坡集卷四三 啟

九

庶粗免於譴訶喜抃至深敷陳莫罄煩歆尚熾叅對未期伏異精
願別卽迅召

謝本路監司啟

多病早衰屢有江湖之請誤恩過聽遂分疆場之憂才無取於折
衝愧已深於臥鎮敢緣厚德尚許兼答伏惟某官各重摺紳望隆
中外承宣帝澤民忘流殍之災肅振臺風吏若親臨之畏顧惟朽
鈍得奉教條但交欣悚之懷莫罄瞻依之頌

謝監司禮啟

燕南趙北昔爲百戰之場地利人和今乃四夷之守觀累朝之命

帥皆一代之名臣豈謂寵榮一加疲陋顧吏民之易治幸衰拙之
少安此蓋伏遇某官碩德庇民宏才緯世餘膏所燭常分無盡之
光蒙霧而行坐獲不知之潤登巨朽鈍未遂顛躋勉加策勵之勤
少荅吹揚之賜

謝交代趙祠部啟

近審新命屈領此邦名實所加吏民交慶夫何鶩楚之步偶茲糠
粃之先雖甚內慙實爲大幸恭惟某官清名肅物雅望在人以博
學而濟雄文以高才而行直道久試蕭生於馮翊猶煩長孺於淮
陽眷此東原幾爲大澤尚呻吟之未復豈罷陋之所堪望公之來
以日爲歲祝頌之素寫述難周

東坡集卷四十三 啟

十

謝呂學士啟

文學之選人才所難邇無世祿之嫌遠絕茅衡之棄矧此國家養
賢之地豈爲儒者竊位之私某官學古入官脩身以道志本爲己
行浮於名直諒多聞固可追於益友文吏足用曾不愧於古人果
膺選掄益登清要未遑馳問先辱惠音

謝王內翰啟

右賦啟竊以取士之道古難其全欲求個儻超拔之才則懼其放
蕩而至於無度欲求規矩尺寸之士則病其齷齪而不能有所

爲進士之科昔稱浮剽本朝更制漸復古風博採策論以開天下
豪俊之塗精取詩賦以折天下英雄之氣使齷齪者望而不敢進
放蕩者退而有所裁此聖人所以罔羅天下之逸民追復先王之
舊迹元臣大老皆出此塗伏惟內翰執事人材俊麗神氣橫溢音
文高論大或出於繩檢比聲協句小亦合於方圓蓋天下望爲權
衡故明主委之黜陟軾之不肖與在下風顧惟山野之見聞安識
朝廷之忌諱軾亦恃有執事之英鑒以爲小節之何拘執事亦將
收天下之遺才觀其大綱之所在驟置殊等實聞四方使知大國
之選材非顧當時之所悅眇然陋器雖不能勝多士之喧言卓爾
大賢自足以破萬人之浮議方將奔走厥職厲精乃心苟庶幾無
朝夕之愆以辱知己亦萬一有毛髮之效少荅至仁感懼之懷不
知所措

謝孫舍人啟

拜命中宸代言西掖聳聞中外交慶士夫竊惟二聖之心蓋以多
士爲急滅烽仆鼓而以將帥爲藩垣抵璧捐金而以公卿爲帑廩
蓋樽俎有折衝之恃則藜藿無見採之憂某官瑚璉之才杞梓其
用學不專於爲己才已效於臨民穆如清風草木皆靡炳然白日
霰雪自消茲爲收拾之儲豈特絲綸之任不遺衰朽過辱緘封永

敦爲好之懷深負難酬之作

謝韓舍人啟

右軾矧軾聞古者至治之世天子推恩以收天下之望有司執法以繩天下之媮蓋不推恩則無所兼容不執法則有所僥倖有司推恩而求各則侵君之權天子執法而責實則失民之望爲君者常病於察爲臣者又失之寬古之明天子信其臣而不惑於多言故有司執法而無所忌古之良有司憂其君而不郵於私計故天下歸怨而不敢辭况欲選材而置官是將教民而圖任唯所利國豈容樹恩今聖上推不私之心使賢愚皆遂其所欲而大臣用至明之法使工拙不至於相滯憫各哀憐老儒故爲特奏之令憫惻連坐又開別試之塗此天下所以詠歌至仁鼓舞盛德君臣之體夫豈同塗伏惟舍人執事爲時求材憂國忘己所圖甚遠將深計於安危自信至明曾不牽於毀譽憂苟且依違之俗去浮僞慕謙之文罷黜俗儒動以干計講通經術得者九人顧軾不才偶在殊選惟天子推恩如此之厚惟大臣執法如此之堅將天下實被其休功豈一夫獨遂其私願感荷激切不能自勝

謝諸秀才啟

一作謝管
設大使啟

鹿鳴食野方主礼之粗陳馬駒在門嘆負歡之莫畫遽辱移書之

重益慙爲具之疎卽遂願言徒增銘佩

謝高麗大使遠迎啟

伏審觀光魏闕自忘浮海之勤授館吳都將有披雲之幸過承謙德先枉華緘感荷之深誦言莫旣

謝副使啟

伏審祗率邦常來修方貢適此海隅之守得瞻使節之垂首辱緘騰過形謙抑其爲感忤難盡名言

謝高麗大使土物啟

伏審揚旌造朝弭節就舍歸時事於宰旅方勞遠勤發私幣於公

東坡集卷四十三 啟

三

卿亦蒙見及莫遑辭避但切感銘

謝副使啟

伏審舍館初定徒馭少休粗接賓歡方愧餽宰之陋曲敦私好特班琛貢之餘感佩于懷愧俸無量

謝管設副使啟

伏以襄回阻節必忘靡盬之勤笑語飛觴深懷不腆之愧過承榮問益荷謙勤感服于衷筆舌難盡

謝惠生日詩啟二首

蓬矢之祥 世俗之所尚蓂莢之感迫衰老而不忘豈謂某官意

重瓊瑤文成黼黻推仁心而錫類出妙語以噓枯攝提正於孟陬
已光初度月宿至於南斗更借虛名永惟難執之珍但緒無窮之
好

伏蒙某官以其生辰特貽佳什允矣福人之作燦然華夜之榮自
省庸虛惟知愧汗雖大人占斯干之夢喜獲嘉言而弟子廢蓑義
之篇難忘永慕感佩之素敷染莫周

謝館職啟

試言無取錫命過優進貽朋友之譏退有簡書之畏覩顏就列撫

東坡集卷四十三 啟

古

已若驚國家取士之門至多而制舉號爲首冠育才之地非一而
冊府處其最高觀其所以待之蓋亦可謂至矣知寶玉璠璣難得
而易毀故篋積以養其全知榘楠豫章積歲而後成故封殖以待
其長施等天地恩均父師恭惟先帝臨御以來四十二載所擢賢
良方正之士十有五人其志莫不欲舉明主於三代之隆其言莫
不欲措天下於泰山之固大則欲興禮樂以範來世小則欲操數
術以馭四夷然而進有後先各有隱顯命有窮達時有重輕或已
踐廟堂之崇或已登侍從之列或反流落於遠郡或尚滯畱於小
官或死生之乖睽已爲陳迹或擯斥於罪戾僅齒平民雖曰功名

富貴所由之塗亦爲毀譽得喪必爭之地名重則於實難副論高則與世常疎故雖絕異之資猶有不任之懼軾之內顧豈不自知性任已以直前學師心而無法自始操筆知不適時會宗伯之選掄疾時文之靡弊擢居異等以風四方不知滿溢之憂復玷良能之舉負賢者所難之任爭四海欲得之求其爲蠢愚可爲危慄是以一參贊幕輒蹈危機已嘗名挂於深文不自意全於今日而況大明繼照百度惟新理財訓兵有鞭笞戎狄之志信賞必罰有追述祖宗之風凡人歷試其能苟敗事必誅無赦此太平可待之日豈不肖兼容之時而乃度越賢豪曲收微賤縱不能力辭而就下亦當知非分以自慙此蓋伏遇某官志在斯民仁爲己任欲辦大事務兼尺寸之長將求多聞故引涓埃之助致此忝冒有踰等倫欲報無緣將何望於頑鄙遇寵知懼廢不至於惰媮

徐州謝兩府啟

移守河中已愧超陞之異改臨泗上仍叨藩鎮之雄旣見吏民周覽風俗地形襟要當東南水陸之衝民食艱難正春夏旱蝗之際宜得一時之循吏以安千里之疲民如軾者才不逮人學非適用冒塵策府自知拙直之難安屢乞守符意謂苟全之善計然自往來三郡首尾七年足蹈危機僅脫風波之險心存吏役都忘學術

之源既未決於歸耕敢復求於善地伏遇某官權衡萬物高下一
心頑礪悍堅實費陶鎔之力散材疎惡徒施封殖之恩謹當龜策
疲驚鐫磨朽鈍上酬天造次荅已知

登州謝兩府啟

右軾啟蒙恩授前件官已於今月十五日到任上詔者迂愚之守
沒齒不移廢逐之餘歸田已幸豈謂承宣之寄忽爲枯朽之榮眷
此東州下臨北徼俗習齊魯之厚迹皆秦漢之陳賔出日於麗譙
山川炳煥傳夕烽於海嶠鼓角清閒顧靜樂之難各笑妄庸之竊
據此蓋伏遇某官股肱元聖師保萬民才全而德不形任重而道
愈遠謂使功不如使過而觀過足以知仁特借齒牙曲成羽翼軾
敢不服勤簿領祇畏簡書策蹇磨鉛少荅非常之遇息黥補劓漸
收無用之身過此以還未知所措

謝中書舍人啟

右軾啟蒙恩授前件官者起於貶所未及其年擢置周行遽參法
從省躬無有被寵若驚竊惟人材進退之間實爲風俗隆替之漸
必欲致治在於積賢雖一薛居州齊言不能移楚而用范武子晉
盜可使奔秦崔琰進而廉儉成風楊綰用而淫侈改度誠國是之
先定雖民散而可收拔茅茹者以彙而征附馬棧者必先其直用

舍既見好惡自明人知所趨勢有必至今朝廷方講當世之務力
追前代之隆雖改定法令足以便事而未足以安民寬弛賦役足
以安民而未足以成俗是以登進耆老搜求雋良將使士知向方
民亦有恥如軾者山林下士軒冕棄材少而學文本聲律雕蟲之
技出而從仕有狂狷嬰鱗之愚溝中不願於青黃墜下無心於官
微誤蒙收拾已出優恩荐履禁嚴殊非素望此蓋伏遇某官德配
前哲望隆本朝名重圭璋上助廟堂之用言爲著蔡下同卿士之
謀餘論所加虛名增重知丹心之尚在憐白首之無歸特借寵光
以寬衰病任隆才下恩重報輕直道而行恐非所以安愚不肖之
分充位而已又不足以解卿大夫之憂蚤夜以思進退惟谷恐懼
戰越不知所裁

杭州謝執政啟

右軾啟小器易盈宜處不爭之地大恩難報終爲有愧之人劉郡
浹旬汗顏數四湖山如舊魚鳥亦怪其衰殘爭訟稍稍吏民習知
其遲鈍雖尚嬰於寵劇庶漸卽於安閒顧此蠢愚亦蒙微倖此蓋
伏遇某官輔世以德事君以仁嘉善而矜不能與人不求其備故
令狂直得保始終指步武於夷途收桑榆之暮景軾敢不欽承令
德推本土心政拙催科自占陽城之考姦容獄市敢師齊相之言

庶寡悔尤少償知遇

賴州到任謝執政啟

八參兩禁每玷北扉之榮出典二邦輒爲西湖之長皆緣天幸豈復人謀惟汝水之名邦乃裕陵之故國人醇事簡地沃泉甘豈惟暫養於不才抑亦此生之可老恭惟某官嘉猷經世茂德範時元老廟堂自有權衡之信餘生江海得同品物之安感佩之私筆舌難旣

謝賈帥奉啟

右軾啟自蜀徂京幾四千里攜孥去國蓋二十年側聞松楸已中

東坡集卷四三

啓

六

梁柱過而下馬空瞻董相之陵醉以隻鷄誰副橋公之約宦游歲晚坐念涕流未報不貲之恩敢懷孟歸之意常恐樵牧不禁行有雍門之悲雨露旣濡至引太山之望豈謂通判某官政先慈孝義篤友朋首隆學校之師儒次訪里閭之耆舊自嗟來暮不聞拔薤之規尚意神交特致生芻之奠父老感歎桑梓光華深衣練冠莫克垂洟於墓道昔襦今袴尚能鼓舞於民謠仰佩之深力占難盡

賀歐陽少師致仕啟

伏審抗章得謝釋位言還天眷雖隆莫奪已行之志士流太息共高難繼之風凡在鹿麻共增慶慰伏以懷安天下之公患去就君

子之所難世靡不知人更相笑而道不勝欲私於爲身君臣之恩
係縻之於前妻子之計推荷之於後至於山林之士猶有降志於
垂老而況廟堂之舊欲使辭祿於當年有其言而無其心有其心
而無其決愚智共蔽古今一塗是以用捨行藏仲尼獨許於顏子
存亡進退周易不及於賢人自非智足以周知仁足以自愛道足
以忘物之得喪志足以一氣之盛衰則孰能見幾禍福之先脫屣
塵垢之外常恐茲世不見其人伏惟致政觀文少師全德難名巨
材不器事業三朝之望文章百世之師功存社稷而人不知躬履
艱難而節乃見縱使耄期篤老猶當就見質疑而乃力辭於未及
之年退託以不能而止大勇若怯大智如愚至貴無軒冕而榮至
仁不導引而壽較其所得孰與昔多軼受知最深聞道有自雖外
爲天下惜老成之去而私喜明哲得保身之全伏暑向闌台候何
似伏冀爲時自重少耐輿情

賀趙大資少保致仕啟

伏審抗章得謝奉冊言還搢紳聳觀閭里相慶竊謂富貴不爲至
樂功名非有甚難樂莫樂於還故鄉難莫難於全大節歷數當今
之卿相或寓他邦究觀自古之忠賢少有完傳錦衣而夜行者多
矣狐裘而羔袖者有之至若百行渾圓五福純備當世所羨非公

而誰恭惟致政大資少保道心精微德望宏遠無施不可尤高臺
諫之風所臨有聲最宜吳蜀之政才不究於大用命乃係於生民
與時偕行不可則止見故人而一笑綽有餘歡念平生之百爲絕
無可恨方將深入不二獨遊無何默追絜可之風坐致喬松之壽
軾荷知有素貪祿忘歸慕鸞鵠之高翔眷樊籠而永歎傾頽之素
數寫莫窮

荅丁連州朝奉啟

七年遠謫不知骨肉之存亡萬里生還自笑音容之改易久恬颺
霧稍習蛙蛇自疑本儋崖之人難復見魯衛之士而況清時雅望
令德高標固以聞名而自慙蓋欲通書而未敢豈謂知郡朝奉仁
無擇物義有逢時每憐遷客之無歸獨振孤風而愈厲固無心於
集苑而有力於噓枯遠移一紙之書何啻百朋之錫過情之譽雖
知無其實而愧于中起廢之文猶欲借此言以華其老窮途曷感
永好難忘

荅王幼安宣德啟

俯仰十年忽焉如昨間鬪百罹何所不有頃者海外澹乎益將終
焉偶然生還置之勿復道也方將求田問舍爲三百指之養杜門
面壁觀六十年之非豈獨江湖之相忘蓋已寂寥而我我不謂其

官講修舊好收錄陳人粲然雲漢之章被此枯朽之質欲其洗濯
宿負激昂晚節粗行平生之志少慰朋友之望此意厚矣我心悠
哉如焦穀牙如伏櫪馬非吹噓之所及縱鞭策以何加藏之不忘
永以爲好

10713

東坡集卷四三

啓

三

